

DÉZIÈM PATI

Sélébrasion mistè krétyin-an

DÉZIÈM SÉKSION

Sèt sakréman l'Égliz-la

DÉZIÈM CHAPIT

Sakréman gérizon-yo

- 1420 Palintèmediè sakréman inisiasion krétyin-yo, moun-nan résévoua nouvo lavi Kris-la. Min lavi nouvo sa-a sé « nan véso tè-kuit » (2 Co 4, 7) n-ap poté-l. Jous kounié-a li « kaché avèk Kris-la nan Bondié » (Col 3, 3). Nou nan « kay-nou sa-a ki sou tè-a » (2 Co 5, 1) toujou, ki anba soufrans, maladi ak lanmò. Nouvo lavi pitit Bondié sa-a kapab fébli épi minm pèdi poutèt péché-a.
- 1421 Granmèt Jézu-Kri, médsin nanm nou-yo ak kò nou-yo, li minm ki té padoné péché paralitik-la épi ki té ba-l santé kò-a ankò (cf. Mc 2, 1-12), té vlé pou l'Égliz li-a, ak fòs Éspri-Sin-an, kontinué travay gérizon-an ak sové-a, minm parapò a pròp manb li-yo. Sé rézondèt dé sakréman gérizon-yo : sakréman Pénitans-la épi Onksion malad-yo.

ATIK 4

Sakréman Pénitans-la ak Rékonsiliation-an

- 1422
980 « Moun-yo minm ki proche nan sakréman Pénitans-la, yo résévoua padon gras a mizérikòd Bondié-a pou ofans yo té fè-l yo épi an minm tan yo rékonsilié ak l'Égliz-la, li-minm yo té blésé antan yo fè péché-a épi k-ap travay pou konvèsion yo ak charité-a, ak égzanp-la, ak priyè l-ap fè-yo » (LG 11).

I. Kòman yo rélé sakréman sa-a ?

- 1423
1989 Yo rélé-l *sakréman konvèsion*, poutèt li réalizé sakramantèlman apèl Jézu ap fè pou konvèsion-an (cf. Mc 1, 15), sètadi désizyon pou rétownin kot Papa-a (cf. Lc 15, 18) li-minm péché-a té fè moun-nan pati louin-l nan.
- 1440 Yo rélé-l *sakréman Pénitans*, poutèt li konsakré chemin chak moun épi l'Égliz-la tou ap fè pou konvèsion, pénitans épi pou krétyin ki fè péché-a péyé dèt-li (bay satisfaksion = éskizé pròp tèt-li).
- 1424
1456 Yo rélé-l *sakréman Konfésion*, poutèt sé yon éléman ésansièl sakréman sa-a pou yo déklaré, avoué péché-yo dévan prèt-la. Nan yon sans ki profon, sakréman-an sé yon « konfésion » tou (yon « déklaré rékonèt »), sé rékonèt épi fè louanj pou Bondié ki sin-an épi pou mizérikòd-li aléga moun-nan.
- 1449 Yo rélé-l *sakréman induljans-la [Padon-an]* (*byinvéyans padon-an, pitié-a*), poutèt palintèmediè absolusion sakramantèl-la prèt-la bay-la, Bondié bay moun ki répanti-a « padon (induljans) ak lapè » (OP formule de l'absolution).
- 1442 Yo rélé-l *sakréman Rékonsiliation-an*, paské li ofri péchè-a rinmin Bondié-a k-ap rékonsilié-a : « Kité yo rékonsilié nou avèk Bondié » (2 Co 5, 20). Moun ki viv dapré rinmin mizérikòd Bondié-a, li paré pou-l réponn apèl Granmèt-la ap fè-l la : « Al rékonsilié avèk frè-ou la anvan » (Mt 5, 24).

II. Poukisa yon sakréman Rékonsiliation apré Batèm-nan ?

- 1425
1263 « Nou lavé, nou vîn sin, [...] nou vîn kòrèk o non Granmèt nou Jézu-Kri ak nan Éspri Bondié nou-an ! » (1 Co 6,11). Nou bézouin pran konsians grandè kado Bondié fè nou nan sakréman inisiasion krétyin-yo pou nou kapab konprann jous kibò péché-a sé yon bagay ki ènmi moun ki « abiyé ak Kris-la » (Ga 3, 27). Min apot sin Jan ékri tou : « Si nou di nou pa gin péché, nou pran pròp tèt pa-nou nan pièj, épi vérité-a pa nan nou » (1 Jn 1,8). Épitou Granmèt-la li-minm aprann nou priyé : « Padonnin péché nou-yo », « Padoné sa nou fè-ou » (Lc 11,4), antan-l maré padon pou sa youn fè lèt-yo ansanm ak padon péché-yo Bondié gin pou ba nou-an.
- 2838
- 1426
405, 978 *Konvèti, tounin vîn jouinn* Kris-la, nouvo nésans-la nan Batèm-nan, kado Éspri-Sin-an, résévoua Kò ak San Kris-la kòm nouritu, té fè nou sin, san tach (imakilé) « dévan fas li » (Ep 1, 4), minm jan l'Égliz-la li-minm, Épouz Kris-la, « sin, san tach » dévan-l (Ep 5, 27). Poutan, nouvo lavi nou té résévoua nan inisiasion krétyin-an pa éliminé frajilité ak féblès natu moun-nan, ni inklinasion nan péché-a, sa tradision-an rélé *konvouatiz-la, mové anvi-a (concupiscence)*, ki rété nan moun ki batizé-yo pou yo kapab

1264 bay prèv yo nan konba lavi krétyin-an, antan lagras Kris-la ap édé-yo (cf. DS 1515). Konba sa-a sé konba *konvèsion-an* pou vîv sin-an épi pou lavi tout tan-an, sa Granmèt-la ap rélé nou san rété pou-n vîn ladan-l nan (cf. DS 1545 ; LG 40).

III. Konvèsion moun ki batizé-yo

1427 Jézu ap rélé pou konvèsion-an. Apèl sa-a sé pati ésansiel nan anonsé
541 Rouayòm-nan : « Tan-an rivé bout, péyi-roua Bondié-a proche : fè pénitans épi kouè nan Bòn Nouvèl-la » (Mc 1,15). Nan prèch l'Égliz-la, apèl sa-a adrésé toudabò bay sa-yo ki poko konnin Kris-la ak Évanjil li-a. Konsa sé nan Batèm-nan prinsipalman premié konvèsion ki fondamantal-la yé. Palintèmediè lafoua nan Bòn Nouvèl-la épi palintèmediè Batèm-nan (cf. Ac 2, 38) yo rénonse mal-la épi yo vîn gin sovè-a, sètadi padon tout péché-yo épi kado nouvo lavi-a.

1428 Sé poutèt sa, apèl Kris-la pou konvèsion-an kontinué ap sonninan nan
1036 lavi krétyin-yo. *Dézièm konvèsion* sa-a sé yon dévoua ki pa sispann pou tout l'Égliz-la ki « anbrasé péchè-yo anndan-l, ki sin épi an minm tan ki
853 doué toujou pròpté, k-ap kontinué chèché pénitans-la ak rénouvelman-an san rété » (LG 8). Éfò konvèsion sa-a sé pa sèlman yon travay moun li yé. Sé mouvman « yon kè krazé » (Ps 51, 19) lagras-la ap rédi épi pousé (cf. Jn 6, 44 ; 12, 32) pou-l rivé réponn rinmin mizérikòd Bondié-a ki té
1996 rinmin nou an premié-a (cf. 1 Jn 4, 10).

1429 Konvèsion sin Piè-a témouagné sa apré li té nié Mèt li-a toua foua-a. Gadé Jézu gadé-l ak yon mizérikòd san limit-la fè dlo pénitans-la koulé nan jé-l (Lc 22, 61) épi, apré rézireksion Granmèt-la, li fè toua déklarasion rinmin li-an aléga Jézu (cf. Jn 21, 15-17). Dézièm konvèsion-an gin yon aspè *kominotè* tou. Sa parèt nan apèl Granmèt-la fè yon l'Égliz toutantié : « Fè pénitans ! » (Ap 2, 5. 16).

Osijè dé konvèsion sa-yo, sint Anbrouaz di : « L'Égliz-la minm gin ni dlo ni dlo nan jé, dlo Batèm-nan, dlo nan jé Pénitans-la » (ep. 41, 12 : PL 16, 1116B).

IV. Pénitans sou anndan-an

1430 Minm jan ak Profèt-yo, apèl Jézu pou konvèsion-an ak pénitans-la pa
1098 chèché toudabò travay sou déyò-a, « sak ak sann », jèn ak mòtifikasion, min *konvèsion kè-a, pénitans sou anndan-an*. San sa, travay pénitans-yo rété san frui épi sé manti ; okontrè, konvèsion sou anndan-an pousé nan ékspréssion dispozision sa-a nan sign vizib-yo, jès ak travay pénitans-yo (cf. Jl 2, 12-13 ; Is 1, 16-17 ; Mt 6, 1-6. 16-18).

- 1431 Pénitans paranndan-an sé yon nouvo diréksion radikal pou tout lavi-a, yon rétownin, yon konvèsion al jouinn Bondié ak tout kè-nou, yon sispann fè péché, yon viré do bay mal-la, ansanm ak yon répignans pou mové aksion nou té fè-yo. Li inpliké an minm tan yon anvi ak yon rézolisyon pou chanjé lavi avèk éspérans divîn mizérikòd-la épi avèk konfians nan sékou lagras li-a. Konvèsion kè sa-a gin doulè ak chagrin ki akonpagné-l épi ki bon pou sové-a, sé sa Pèr-yo té rélé *animi cruciatus* (afliksion nanm-nan), *compunctio cordis* (répantans kè-a) (cf. Cc. Trente : DS 1677-1678 ; 1705 ; Catech. R. 2, 5, 4).
- 1432 Moun-nan gin kè-l ki lou épi ki di. Moun-nan bézouin pou Bondié mété yon kè nouvo anndan-l (cf. Ez 36, 26-27). Konvèsion-an sé toudabò travay lagras Bondié-a ki fè kè nou-yo tounin vîn jouinn-li : « Fè nou viré, Granmèt, bò koté-ou, épi n-a viré » (Lm 5, 21). Bondié ba nou fòs pou nou rékòmansé ankò. Antan kè nou dékouvri grandè rinmin Bondié-a, li sékoué anba péché-a ki fè-l tranblé épi ki lou, li kòmansé krinn pou-l pa ofansé Bondié épi séparé ak li poutèt péché-a. Kè moun-nan konvèti lè li viré gadé Sa-a péché nou-yo té transpèsé-a (cf. Jn 19, 37 ; Za 12, 10) :
- « Sé pou nou gadé San Kris-la ak jé ki atantif pou nou konnin kijan li gin valè pou Bondié Papa-l, sa-a ki koulé pou sové nou-an é ki poté lagras pénitans-la pou tout tè-a » (S. Clément de Rome, Cor. 7,4).
- 1433 Dépi Pak, Éspri-Sin-an ap akizé tè-a osijè péché-a, sètadi paské yo pa-t kouè nan sa-a Papa-a té voyé-a (Jn 16, 8-9). Min minm Éspri sa-a ki dévoualé péché-a, sé Konsolatè-a (cf. Jn 15, 26) k-ap bay kè moun-nan lagras pénitans-la ak konvèsion-an (cf. Ac 2, 36-38 ; cf. Jean-Paul II, DeV 27-48).

V. Pliziè fòm pénitans nan lavi krétyin-an

- 1434 Pénitans krétyin-an sou paranndan-an kapab gin ékspréssion ki diféran anpil. Sint-Ékritu-a épi Pèr-yo insisté sou toua fòm prinsipal : *jén, priyè, fè charité* (cf. Tb 12, 8 ; Mt 6, 1-18), ki éksprimé konvèsion-an parapò a nou-minm, parapò a Bondié épi parapò a lòt-yo. Bò koté pròpté ki réalizé jous nan rasîn ak Batèm-nan oubyin mati-a, yo sité kòm mouayin pou rivé jouinn padon péché-yo, éfò yo fè pou rékonsilié ak prochin-an, dlo nan jé pénitans-la, pran souin pou sové prochin-an (cf. Jc 5, 20), intèsésion sin-yo épi pratiké charité-a ki « kouvri pakèt péché-yo » (1 P 4, 8).
- 1435 Konvèsion-an fèt nan lavi chak jou-a gras a jès rékonsiliasion-yo, nan pran souin pòv-yo, nan pratiké épi défann jistis-la ak doua-a (cf. Am 5, 24 ; Is 1, 17), nan rékonèt mankman-yo dévan frè-yo, nan koréksion fratènèl-la, nan révizion lavi-a, nan égzamin konsians-la, nan diréksion spirituèl-la, nan aksépté souffrans-la, nan pasians lè gin pèsékision poutèt jistis-la. Chémin pénitans ki pi asiré-a sé pran pròp koua-ou chak jou épi suiv Jézu (cf. Lc 9, 23).

- 1436 *Ékaristi-a épi Pénitans-la.* Konvèsion-an ak pénitans-la jouinn sous yo épi nouritu yo nan Ékaristi-a, paské ladan-l sakrifis Kris-la vîn prézan, sa-k rékonsilié nou ak Bondié-a ; palintèmédiè-l sa k-ap viv lavi Kris-la vîn nouru épi fòtifié ; li sé « rémèd ki libéré nou anba péché nou fè chak jou-
1394 yo épi ki prezèvé nou anba péché mòtèl-yo » (Cc. Trente : DS 1638).
- 1437 Léktu Sint-Ékritu-a, priyé Litiji Lè-yo ak priyé « Papa-nou »-an, ninpòt akt kult oubyin piété ki sinsè révèyé léspri konvèsion-an ak pénitans-la nan nou épi ba nou padon péché-yo.
- 1438 *Tan ak jou pénitans-yo* nan déroulman ané litijik-la (tan karèm, chak
540 vandrèdi nan fè sonjé lanmò Granmèt-la) sé moman ki pi bon pou pratik pénitansièl l'Égliz-la (cf. SC 109-110 ; CIC, can. 1249-1253; CCEO, can. 880-883). Tan sa-yo adapté sitou pou égzèsis spirituèl, litiji pénitansièl, pèlerinaj kòm sign pénitans, privasion volontè tankou jèn ak fè lacharité, pataj tankou frè (nan travay pou lacharité ak pou mision-yo).
2043
- 1439 Jézu té dékri *mouvman konvèsion-an ak pénitans-la* yon fason admirab
545 nan parabòl yo rélé « pitit ki gaspiyé-a » (« ti banbochè-a), sa-k gin kòm pouin santral « papa mizérikòd-la » : (Lc 15, 11-24) : atirans yon fo-libèté, kité kay papa-a ; mizè térib koté pitit-la tonbé apré-l fin gaspiyé byin yo fè-l kado-yo, imiliasion térib pou-l ouè li oblijé al gadyin kochon épi, pi rèd toujou, pou-l té anvi manjé grinn boua kochon-yo t-ap manjé-yo ; kalkil osijè byin li pèdi-yo ; répentans ak désizyon pou-l déklaré li koupab dévan papa-l ; chémin pou-l rétonnin-an ; akèy ak kè louvri bò kot papa-a ; kè kontan papa-a : la-a nou gin kèk lign ki trasé ki pròp pou konvèsion-an. Bèl rad-la, bag nan douèt-la épi résépsion fèt-la sé kèk sinbòl nouvo lavi sa-a ki pròp, ki dign, ki plin kè kontan, sé sa-k lavi moun ki tounin kot Bondié épi nan bra fanmi li-an ki l'Égliz-la. Sé kè Kris-la sèl ki konnin profondè rinmin Papa-l la ki té kapab révélé nou profondè insondab mizérikòd li-a yon fason ki tèlman plin simplisité épi ki si bèl.

VI. Sakréman pénitans-la ak rékonsiliasion-an

- 1440 Péché-a toudabò sé ofansé Bondié, sé kasé kominion-an avèk li. An
1850 minm tan li andomajé kominion l'Égliz-la. Sé sa-k fè konvèsion-an poté an minm tan byinvéyans padon Bondié-a épi rékonsiliasion ak l'Égliz-la, sa sakréman Pénitans-la ak Rékonsiliasion-an éksprimé épi réalizé nan litiji-a. (cf. LG 11).

Sé Bondié sèl ki padoné péché

1441 Sé Bondié sèl ki padoné péché-yo (cf. Mc 2, 7). Paské Jézu sé Pitit
270, 431 Bondié-a, li di osijè tèt pa-l : « Pitit moun-nan gin pouvoua sou tè-a pou-l
589 padonnin péché-yo » (Mc 2, 10) épi li égzèsé pouvoua Bondié sa-a :
« Péché-ou yo éfasé ! » (Mc 2, 5 ; Lc 7, 48). Plis toujou : li-minm, pa
pouvoua otorité Bondié-a, li bay moun-yo pouvoua sa-a (cf. Jn 20, 21-23)
pou yo égzèsé-l nan non-l.

1442 Kris-la té vlé pou tout l'Égliz li-a, nan priyè-l, nan lavi-l ak nan aksion-
l yo, té sign ak mouayin byinvéyans padon (induljans) ak rékonsiliation-
983 an, sa-l vîn posédé pou nou-an antan-l péyé-l ak san-l. Min égzèsis
pouvoua absolusion-an li rimmèt li bay ministè Apot-yo. Yo résponsab
« sèvis rékonsiliation-an » (2 Co 5, 18). Yo voyé Apot-la nan non Kris-la,
épi sé Bondié li-minm k-ap bay ankourajman épi k-ap insisté : « Kité yo
rékonsilié nou avèk Bondié » (2 Co 5, 20).

Rékonsiliation avèk l'Égliz-la

1443 Nan tan lavi piblik li-a, Jézu pa-t sèlman padoné péché-yo, min tou li
té manifésté rézilta padon sa-a : péchè-yo li té bay padon-an, li té
réintégré yo ankò nan kominoté pèp Bondié-a, sa péché-a té mété yo
545 louin-l nan oubyin minm té mété yo andéyò-l la. Sign ki montré bagay sa-
a byin klè sèké Jézu té admèt péchè-yo sou tab-li, pi plis minm li-minm
minm té lonjé pou manjé sou tab yo, jès sa-a, yon fason ki fè sézi, té
éksprimé an minm tan padon Bondié-a (cf. Lc 15) épi rétou anndan pèp
Bondié-a (cf. Lc 19, 9).

1444 Lè li fè Apot li-yo patisipé nan pròp pouvoua-l pou-l padonnin péché-
981 yo, li ba yo otorité tou pou yo rékonsilié péchè-yo ak l'Égliz-la. Aspè
éklézial fonksion yo-a té éksprimé yon fason spésial nan paròl solanèl-yo
Kris-la té di Piè-a : « M-ap ba-ou klé péyi-roua sièl yo ; tou sa ou-ap maré
sou tè-a, l-ap maré nan sièl-yo, tou sa ou-ap lagé sou tè-a, l-ap lagé nan
sièl-yo tou » (Mt 16, 19). « Minm fonksion maré ak lagé sa-a li té bay Piè-
a, yo konstaté li té bay li tou pou kolèj Apot-yo ki fè youn ak tèt yo-a (Mt
18, 18 ; 28, 16-20) » (LG 22).

1445 Paròl sa-yo, *maré* épi *lagé* vlé di : moun n-ap mété andéyò kominion
553 nou-an, l-ap andéyò kominion ak Bondié-a ; moun-nan minm n-ap
résévoua ankò nan kominion nou-an Bondié ap résévoua-l nan pa-l la tou.
*Rékonsiliation avèk l'Égliz-la pa kapab séparé ak rékonsiliation avèk
Bondié-a.*

Sakréman byinvéyans padon-an (induljans)

1446 Kris-la té établi sakréman Pénitans sa-a pou tout manb l'Égliz li-a ki fè
979 péché-yo, toudabò pou sa-yo ki té tonbé nan péché grav apré Batèm-nan
épi konsa yo pèdi lagras batisma-la épi yo blésé kominion éklézial-la. Sé

- 1856 yo minm sakréman Pénitans-la ofri yon nouvo posibilite pou yo konvèti
 1990 épi jouinn gras justifikasion-an ankò. Pèr l'Égliz-la té prezanté sakréman
 sa-a kòm « dézièm planch [salu] apré nofraj pèdi lagras-la » (Tertullien,
 pæn. 4, 2 ; cf. Cc. Trente : DS 1542).
- 1447 Nan déroulman sièk-yo, fòm détèminé l'Égliz-la suiv pou-l égzèsé
 pouvoua li té résévoua nan min Granmèt-la té chanjé anpil foua. Pandan
 premié sièk-yo, pou krétyin ki té fè péché ki té patikilièman grav apré
 Batèm yo-a (parégzanp : idolatri, touyé moun oubyin adiltè), yo mété
 rékonsiliation-an ansanm ak yon disiplin strikt, ki fè pénitan-yo té doué fè
 pénitans piblik pou péché yo, pafoua pandan pliziè ané, anvan pou yo té
 résévoua rékonsiliation-an. Sé pa-t souvan yo té admèt yon moun nan
 « group pénitan » sa-yo (ordre des pénitents) (ki té konsèné sèlman kèk
 péché grav) épi, nan kèk réjion, sé té yon sèl foua nan lavi-a. Pandan
 sètièm sièk-la, antan yo pran modèl sou tradision mouàn oriental-yo, gin
 misionè irlandè ki té poté sou kontinan Euròp-la pratik pénitans « privé-
 a » ki pa-t égzijé réalizé yon travay pénitans piblik épi prolonjé anvan pou
 résévoua rékonsiliation ak l'Égliz-la. Dépi lè sa-a sakréman-an té fèt, yon
 fason pi sékrè, ant pénitan-an ak prèt-la. Nouvo pratik sa-a té prévoua
 posibilite répétision-an épi konsa li ouvri chémin-an pou yon fékantasyon
 sakréman sa-a ki pi régilié. Li té pèmèt anbrasé nan yon sèl sélébrasion
 sakramantèl padon péché grav-yo épi péché vénièl-yo. Nan gran lign li-yo
 sé fòm Pénitans sa-a l'Égliz-la pratiké jous nan jou nou-yo.
- 1448 Ak chanjman sa-yo disiplin ak sélébrasion sakréman sa-a té sibi nan
 déroulman sièk-yo, yo disèné minm *strikti fondamental-la*. Li gin dé
 éléman ki ésansièl ansanm : sou yon bò, akt moun-nan ki konvèti anba
 aksion Éspri-Sin-an : sètadi kontrision-an, konfésion-an épi satisfaksion-
 an (éskiz-la, réparasion-an) ; sou yon lòt bò minm aksion Bondié-a
 palintèmediè intèvansyon l'Égiz-la. Palintèmediè Évèk-yo épi prèt li-yo,
 l'Égliz-la bay padon péché-yo nan non Jézu-Kri épi li détèminé modalité
 satisfaksion-an (éskiz-la), li priyé tou pou péchè-a épi li fè pénitans avèk
 li. Konsa péchè-a géri épi li rétounin nan kominion éklézial-la.
- 1449 Fòmul absolusion yo anplouayé nan l'Égliz latîn-nan éksprimé éléman
 1481 ésansièl-yo nan sakréman sa-a : Papa mizérikòd-yo sé sous tout padon. Sé
 234 li-minm ki fè rékonsiliation péchè-yo gras a Pak Pitit li-a ak kado Éspri-a,
 palintèmediè priyé ak ministè l'Égliz-la :
- « Bondié, Papa mizérikòd-yo, li-minm ki té rékonsilié tè-a avèk li-a pa
 pouvoua lanmò ak rézirkéssion Pitit li-a épi ki té vidé Éspri-Sin-an pou padon
 péché-yo, palintèmediè ministè Égliz-la sé pou-l ba-ou padon ak lapè. Épi
 mouin-minm mouin padonnin-ou sot nan péchè-ou yo o non Papa-a, ak Pitit-
 la, ak Éspri-Sin-an » (*Ordo Paenitentiae* 46. 55 [Polyglotte Vaticane 1974,
 p. 27. 37]).

VII. Akt pénitan-an

- 1450 « Pénitans-la oblijé péchè-a aksépté libréman tout [éléman sa-yo] ; nan kè-l kontrision-an, nan bouch-li konfésion-an, nan travay-la umilité total-la oubyin satisfaksion (réparasion) ki donnin frui-a » (Catech. R. 2, 5, 21 ; cf. Cc. Trente : DS 1673).

Kontrision-an

- 1451 Pami akt pénitan-an, premié plas-la sé pou kontrision-an. Sé yon
431 « douè nanm-nan épi yon rénonnman osijè péché ki té fèt-la, ansanm ak désizyon pou pa kontinué péché ankò » (Cc. Trente : DS 1676).

- 1452 Lè li soti nan yon rinmin pou Bondié yo rinmin anlè tout bagay-yo, yo
1822 rélé-l « kontrision ki apouin-an », pèfeksion kontrision-an (kontrision charité-a). Kalité kontrision sa-a padoné fot vénièl-yo ; li jouinn padon tou pou péché mètèl-yo si li inpliké yon désizyon fèm pou al nan konfésion sakramantèl-la pi vit sa posib (cf. Cc. Trente : DS 1677)

- 1453 Kontrision yo di ki « pa apouin-an » (oubyin « atrision »-an), li-minm tou sé yon kado Bondié anba élan Éspri-Sin-an. Li soti nan konsidéré kijan péché-a lèd oubyin nan krint kondansyon pou tout tan-an épi lòt pèn ki ménasé péchè-a (kontrision poutèt krint-la). Kalité mouvman konsians sa-a kapab kòmansé yon dévlopman sou paranndan ki rivé apouin anba aksion lagras-la palintèmediè absolusion sakramantèl-la. Pa pouvoua li-minm pou kont-li kontrision ki pa apouin-an pa rivé jouinn padon péché grav-yo, min li dispozé pou rivé jouinn li nan sakréman Pénitans-la (cf. Cc. Trente : DS 1678 ; 1705).

- 1454 Sé pou yo préparé pou résévoua sakréman sa-a *palintèmediè yon égzamin konsians* ki fèt anba limiè Paròl Bondié-a. Tèks ki pi adapté pou sa sé pou yo chèché yo nan Dékalòg-la, nan Évanjil-yo ak katéchèz moral Lèt apostolik-yo : nan prèch sou mòn-nan, nan ansègnman Apot-yo (cf. Rm 12-15 ; 1 Co 12-13 ; Ga 5 ; Ep 4-6).

Konfésion péché-yo

- 1455 Konfésion péché-yo (avoué yo, akizasyon-an), minm sou yon sinp
1424 konsidérasion moun kòm moun, li libéré nou épi li fè rékonsiliasyon-nou ak lòt-yo vîn pi fasil. Palintèmediè konfésion-an, moun-nan gadé péché-yo dirèktéman, sa yo li koupab pou yo-a ; li pran responsabilité-yo épi poutèt sa li ouvri yon lòt fous bay Bondié épi bay kominion l'Égliz-la pou-l fè yon nouvo avni vîn posib.
1734

- 1456 Konfésion bay prèt-la sé yon pati ésansièl nan sakréman Pénitans-la :
1855 « Nan konfésion-an, apré yon égzamin konsians ki sérié, pénitan-yo doué déklaré tout péché mètèl yo ginyin minm si yo t-a kaché anpil épi sé

sèlman kont dé dènié kòmandman Dékalòg-la yo fè-yo (cf. Ex 20, 17 ; Mt 5, 28), paské anpil foua yo blésé nanm-nan yon fason pi grav, épi yo gin plis danjé pasé sa-k fèt aklè yo » (Cc. Trente : DS 1680) :

1505 « Lè fidèl Kris-la fè efò konfésé tout péché yo sonjé, pa gin dout sé yo tout yo mété dévan divîn mizérikòd-la pou-l padoné yo. Min moun ki fè yon lòt jan épi konsiaman yo kinbé kèk nan yo, yo pa prezanté anyin bay bonté Bondié-a pou-l padoné palintèmediè prèt-la. “Si réyèlman malad-la ront dékouvri blésu-a bay médsin-an, sa-l ignoré médsin-nan pa souagné-l” » (S. Jérôme, Eccl. 10, 11 : PL 23, 1096) (Cc. Trente : DS 1680).

1457 Dapré kòmandman l'Égliz-la, « tout fidèl, apré-l fîn rivé nan laj
2042 disènman-an, li gin obligasion pou-l konfésé péché grav li-yo fidèlman omouins yon foua nan ané-a » (DS 1683 ; cf. DS 1708 ; CIC, can. 989).
1395 Moun ki gin konsians li fè yon péché mòtèl pa doué résévoua sint Kominion-an, minmsi li ékspérimanté yon gran kontrision, amouinské li résévoua absolusion sakramantèl-la anvan (cf. Cc. Trente : DS 1647 ; 1661), sof si li gin yon motif grav pou-l résévoua Kominion-an épi li pa posib pou-l jouinn yon konfèsè (cf. CIC, can. 916 ; CCEO, can. 711). Timoun-yo doué résévoua sakréman Pénitans-la anvan yo résévoua premié sint Kominion-an (cf. CIC, can. 914).

1458 Konfésion fot chak jou-yo (péché vénièl-yo), minm si li pa striktéman nésésè, poutan l'Égliz-la rékòmandé-l (cf. Cc. Trente : DS 1680 ; CIC, can. 988, § 2). Réyèlman vré konfésion régilié péché vénièl nou-yo édé
1783 nou pou nou fòmé konsians-nou, pou nou konbat kont mové tandans nou-yo, pou nou pèmèt Kris-la géri nou, pou nou progrèsé nan lavi l'Espri-a. Antan nou résévoua kado mizérikòd Papa-a pi souvan palintèmedié sakréman sa-a, sa pousé nou pou nou gin mizérikòd minm jan avè-l (cf. Lc 6, 36) :

2468 « Moun ki konfésé péché-l yo, épi ki akizé péché-l yo, li déja aji ansanm ak Bondié. Bondié akizé péché-ou yo ; si ou-minm tou ou akizé yo, ou vîn fè youn ak Bondié. Sé tankou dé réalité yo yé, moun-nan épi péchè-a. Lè-ou tandé moun-nan, sé Bondié ki fè-l ; lè-ou tandé péchè-a, sé moun-nan minm ki fè-l. Éfasé sa-ou té fè-a, pou Bondié kapab sové sa-l té fè-a. [...] Lè-ou kòmansé pa pran plézi nan sa-ou té fè-a, sé la bon aksion-yo kòmansé, paské ou akizé mové aksion-ou yo. Kòmansman bon aksion-yo, sé konfésion mové aksion-yo. Ou fè vérité-a épi ou vini nan Limiè-a » (S. Augustin, ev. Jo. 12, 13).

Satisfaksion-an (Réparasion-an)

1459 Anpil péché fè prochin-an yon mal. Sé pou yo fè ninpòt sa-k posib pou
2412 réparé-l (parégzanp, rétownin yon bagay yo té volè, rétabli rénomé yon
2487 moun nou kalomnié, konpansé yon blésu). Sinp jistis-la égzijé sa. Min an plis, péché-a blésé péchè-a minm épi li afébli-l, minm jan tou pou rélasyon-l ak Bondié épi ak prochin-an. Absolusion-an ouété péché-a, min li pa poté rémèd pou tout dézòd-yo péché-a lakòz-la (cf. Cc. Trente : DS

1473 1712). Lè-l libéré anba péché-a, péchè-a doué rivé jouinn santé spirituèl-la anplin. Sé poutèt sa li doué fè kichòy pi plis pou-l réparé péché li-yo : li doué « bay satisfaksion » yon fason ki konvnab oubyin « ékspié » péché-l yo. Satisfaksion sa-a yo rélé-l « pénitans » tou.

1460 *Pénitans* konfèsè-a inpozé-a doué an fonksion kondision pèsoneèl pénitan-an épi chèche byin spirituèl-li. Nan mézi sa posib li bon pou-l korésponn a gravité épi natu péché yo fè-yo. Li kapab yon priyè, yon 2447 ofrann, yon aksion mizérikòd, yon sèvis prochin-an, yon privasion volontè, yon sakrifis, épi sitou nan aksépté avèk pasians koua-a nou gin pou-n poté-a. Kalité pénitans sa-yo édé nou pou nou konfòmé ak Kris-la, li-minm sèl ki péyé (ékspié) pou péché nou-yo (cf. Rm 3, 25 ; 1 Jn 2, 1-2) 618 yon sèl foua pou tout tan. Yo pèmèt nou vîn tounin éritié ansanm ak Kris-la ki résisité-a « paské n-ap soufri ansanm avèk li » (Rm 8, 17 ; cf. Cc. Trente : DS 1690) :

2011 « Sé pa konsa réyèlman vré sa t-a yon satisfaksion pou nou, pou-l pa t-a palintèmediè Kris Jézu ; réyèlman nou minm ki pa kapab fè anyin apati nou-minm kòm nou-minm, antan l-ap kolaboré, “li-minm ki ban nou fòs-la, nou kapab tout bagay” (Ph 4, 13). Konsa moun-nan pa gin anyin pou-l jouinn gloua ; min tout gloua-nou sé nan Kris-la, [...] nan li nou jouinn réparation, antan n-ap “donnin frui ki fè pénitans-la onè” (Lc 3, 8), moun ki pran fòs nan li, li ofri-yo bay Papa-a, épi gras a li Papa-a aksépté yo » (Cc. Trente : DS 1691).

VIII. Minis sakréman sa-a

1461 Kòm Kris-la té konfié ministè Rékonsiliation-an bay Apot li-yo (cf. Jn 981 20, 23 ; 2 Co 5, 18), Évèk-yo, ki siksésè yo (ranplansan apré yo), épi prêt-yo, kolaboratè Évèk-yo, kontinué égzèsé ministè sa-a. Réyèlman vré, Évèk-yo ak prêt-yo, pa pouvoua sakréman Òrd-la, yo gin pouvoua padoné tout péché-yo « nan non Papa-a ak Pitit-la ak Éspri-Sin-an ».

1462 Absolusion péché-yo rékonsilié [péchè-a] ak Bondié, min tou ak 886 l'Égliz-la. Sé poutèt sa, Évèk-la, tèt vizib yon l'Égliz patikilié, dépi nan tan ansyin-yo, yo gin rézon konsidéré-l jan sa doué fèt kòm moun ki gin ministè ak pouvoua rékonsiliation-an prinsipalman : sé li-minm k-ap dirijé disiplin pénitansièl-la (LG 26). Prèt-yo, kolaboratè-l yo, égzèsé-l 1567 nan mézi fakilté yo résévoua soua nan min Évèk yo-a (oubyin sipérié rélijyé-a) soua nan min Pontif Romin-an palintèmediè doua l'Égliz-la (cf. CIC, can. 844; 967-969; 972; CCEO, can. 722, §§ 3-4).

1463 Gin kèk péché spésyalman grav yo frapé ak ékskominikasyon, chatiman (pèn) ékléziastik ki pi rèsé pasé tout lòt-yo, ki anpéché résévoua sakréman-yo épi égzèsé kèk aksion nan l'Égliz-la (cf. CIC, can. 1331; CCEO, can. 1431 ; 1434), an konsékans yo pa kapab ba yo absolusion, dapré doua l'Égliz-la, si sé pa nan min Pontif Romin-an, nan min Évèk koté-a oubyin

- 982 prèt yo-minm yo bay otorité pou sa (cf. CIC, can. 1354-1357; CCEO, can. 1420). Nan ka danjé lanmò, ninpòt ki prèt, minm si-l pa gin fakilté pou-l tandé konfésion, kapab bay absoulusion pou tout péché épi sot anba tout ékskominikasyon (cf. CIC, can. 976; CCEO, can. 725).
- 1464 Prèt-yo doué ankourajé fidèl-yo vîn nan sakréman Pénitans-la épi yo doué montré yo dispozé pou sélébré sakréman sa-a chak foua krétyin-yo mandé sa yon fason rézonab (cf. CIC, can. 986; CCEO, can. 735 ; PO 13).
- 1465 983 Antan prèt-la ap sélébré sakréman Pénitans-la, l-ap akonpli ministè bon Pastè-a k-ap chèché ti mouton ki pèdi-a, ministè bon Samaritin-an ki souagné blésu-yo, Papa-a k-ap tann pitit gaspiyé-a épi ki réservoua-l lè-l tounin-an, jij kòrèk-la ki pa gadé moun sou aparans (ki pa fè paspouki, ki pa konsidéré figi moun) épi jijman-l nan jis (kòrèk) é an minm tan li gin mizérikòd. An rézimé, prèt-la sé sign ak instriman rinmin mizérikòd Bondié-a aléga péchè-a.
- 1466 1551 2690 Konfèsè-a pa mèt padon Bondié-a, sé minis-li li yé. Minis sakréman sa-a doué fè youn ak intansion épi charité Kris-la (cf. PO 13). Li doué konnin konpòtman krétyin-an afon, sé pou-l gin ékspérians réalté mounnan, respè épi dousè aléga sa-k té tonbé-a ; li doué rinmin vérité-a, fidèl aléga Majisté l'Égliz-la épi ak pasians sé pou-l minnin pénitan-an nan gérizon ak kouasans anplin-an. Li doué priyé épi fè pénitans pou pénitan-an antan-l konfié-l bay mizérikòd Granmèt-la.
- 1467 2490 Antan-l konsidéré karaktè sakré épi grandè ministè sa-a épi respè yo doué chak moun, l'Égliz-la déklaré tout prèt ki tandé konfésion gin obligasyon sékrè total (absolu) konsènan péché pénitan-yo konfésé ba yo, sinon y-ap sibi chatiman (pèn) ki pi rèd-yo (CIC, can. 1388, §1; CCEO, can. 1456). Yo pa kapab non plis sèvi ak konésans konfésion-an fè yo ginyin osijè lavi pénitan-yo. Sékrè sa-a ki pa admèt éksépsion, yo rélé-l « so sakramantèl-la », paské sa pénitan-an manifésté prèt-la, li rété « sélé » byin fèmin nan sakréman-an.

IX. Sa sakréman sa-a fè (Éfè sakréman sa-a)

- 1468 2305 « Tout fòs sakréman-an Pénitans-la donk sé rétabli nou nan lagras Bondié-a, épi fè nou fè youn ak li dapré rapò zanmi ki pi ro-a » (Catech. R. 2, 5, 18). Sé sa-k fè koté sakréman sa-a vlé rivé-a épi sa-l fè-a sé *rékonsiliasion ak Bondié-a*. Nan moun ki réservoua sakréman Pénitans-la ak yon kè ki gin kontrision épi dipozision santiman rélijion-an, « li abitué gin kòm konsékans lapè ak trankilité konsians-la avèk yon gran konsolasyon léspri-a » (Cc. Trente : DS 1674). Réyéman vré sakréman Rékonsiliasion ak Bondié-a poté yon véritab « rézireksion spirituèl », yon rétonnin nan dignité ak nan byin lavi pitit Bondié-yo, pami byin sa-yo sa-k gin plis valè-a sé viv zanmi ak Bondié-a (Lc 15, 32).

1469 Sakréman sa-a fè nou *rékonsilié avèk l'Égliz-la*. Péché-a diminué
 953 kominion kòm frè-a épi li kasé-l. Sakréman Pénitans-la réparé-l oubyin
 rémété-l kanpé. Nan sans sa-a, non sèlman li géri moun ki rétownin nan
 kominion éklézial-la, min li gin yon éfè ki fè l'Égliz-la réviv nan lavi-l
 paské li t-ap soufri poutèt péché youn nan manb li-yo (cf. 1 Co 12, 26).
 949 Péchè-a ki rétabli oubyin rafèmi nan kominion sin-yo, vîn ranfòsé
 palintèmediè kominikasyon byin spirituèl-yo ki gin nan pami tout manb
 vivan Kò Kris-la, ni sa-k nan kondision pèlerinaj-la toujou ni sa-k déjà
 nan patri sièl-la (cf. LG 48-50) :

« Min yo doué ajouté tou mòdalité rékonsiliasion sa-a ak Bondié vîn kòm
 anfanté lòt rékonsiliasion k-ap poté remèd pou otan dèt déchiman péché-a
 fè : pénitan yo bay padon-an li rékonsilié avèk pròp tèt-li nan finfon sa-l yé-
 a, koté li tounin jouinn ak vérité-l sou paranndan ; li rékonsilié avèk frè-l yo,
 sa-yo li té blésé oubyin ofansé nan kèk fason ; li rékonsilié avèk l'Égliz-la ;
 li rékonsilié avèk créasion-an toutantié » (RP 31).

1470 Nan sakréman sa-a, antan péchè-a rinmèt tèt-li bay jijman mizérikòd
 678, 1039 Bondié-a, sé kòm si li *antisipé jijman* li gin pou-l sibi alafin lavi-l sou tè-a.
 Réyèlman, koulié-a, nan lavi sa-a, yo ofri nou chouazi ant lavi ak lanmò,
 épi sé sèlman palintèmediè chémin konvèsion-an nou kapab antré nan
 Rouayòm Bondié-a, sa péché grav-la mété nou déyò ladan-l nan (cf. 1 Co
 5, 11 ; Ga 5, 19-21 ; Ap 22, 15). Antan péchè-a viré tounin kot Kris-la
 palintèmediè pénitans-la ak lafoua-a, li travèsé sot nan lanmò al nan lavi
 « épi li pa antré nan jijman » (Jn 5, 24).

X. Induljans-yo

1471 Ansègnman ak pratik induljans-yo nan l'Égliz-la fè youn byin séré ak
 rézilta sakréman Pénitans-la.

Sa induljans-yo yé ?

« Induljans-la sé padon chatiman tanporèl-la dévan Bondié pou péché-
 yo ki déjà éfasé pou sa ki konsèné fot koupab-la, fidèl krétyin-yo ki byin
 dispozé épi dapré kèk kondision détèminé, kapab rivé jouinn [padon sa-a]
 palintèmediè l'Égliz-la, li minm ki, antan-l sé minis Rédanmsion-an, l-ap
 distribué épi apliké ak otorité-l trézò satisfaksion Kris-la épi sin-yo »
 (Paul VI, const. ap. "Indulgentiarum doctrina", Norme 1).

« Induljans-la kapab an pati oubyin anplin nan mézi li libéré an pati
 oubyin totalman sot anba pèn tanporèl yo doué pou péché-yo » (*ibid*,
 Norme 2). « Ninpòt fidèl kapab gin induljans-yo [...] pou li-minm oubyin
 apliké yo pou défin-yo » (CIC, can. 994).

Chatiman péché-a

- 1472
1861 Pou rivé konprann doktrîn sa-a ak pratik sa-a nan l'Égliz-la, yo doué konsidéré péché-a *gin doub konsékans*. Péché grav-la rétiré nou nan kominion ak Bondié-a, épi sé poua li fè nou pa kapab gin lavi pou tout tan-an, mankman sa-a yo rélé-l « pèn étènèl » péché-a (« chatiman péché-a pou tout tan-an »). Sou yon lòt bò, ninpòt péché, minm vénièl, poté avèk-li yon atachman malsin pou kréatu-yo, ki bézouin pròpté (purifié) 1031 soua sou tè-a soua apré lanmò-a, nan kondision yo rélé purgatoa-a. Purifikasion sa-a libéré anba sa yo rélé « chatiman tanporèl » péché-a (« chatiman péché-a pandan kèk tan »). Yo pa doué konprann doub chatiman sa-yo kòm si sé t-a yon vanjans Bondié ap fè sou pa déyò, min pito kòm sa-k koulé soti nan natu péché-a minm. Konvèsion ki soti nan yon charité ki cho anpil kapab rivé pròpté (purifié) péchè-a totalman yon fason pou pa gin okinn chatiman ki t-a rété (cf. Cc. Trente : DS 1712-1713 ; 1820).
- 1473 Padon péché-a épi rétablisman kominion ak Bondié-a poté ansanm avèk li padon chatiman péché-a ki pou tout tan-an. Min chatiman péché-a pou kèk tan-an yo rété. Antan krétyin sipòté soufrans-yo ak tout kalité éprèv-yo avèk pasians épi, lè jou-a ap rivé, antan li konsidéré lanmò-a ak kè-l ki tranquil, doué fè éfò pou-l résevoua chatiman tanporèl péché sa-yo kòm yon gras ; palintèmediè aksion mizérikòd ak charité-a épitou palintèmediè priyè-a ak diféran pratik pénitans-yo, li doué fè éfò pou-l 2447 dézabiyé-l nèt ak « moun ansyin-an » épi pou-l abiyé ak « moun nouvo-a » (cf. Ep 4, 24).

Nan kominion sin-yo

- 1474
946-959 Krétyin-an k-ap fè éfò pou-l pròpté sot nan péché-l la épi pou-l vîn sin ak sékou lagras Bondié-a, li pa pou kont-li. « Lavi chak pitit Bondié-yo nan Kris-la épi gras a Kris-la sé yon lavi ki konékté yon fason admirab ak lavi tout frè krétyin-yo nan unité surnaturèl Kò mistik Kris-la, tankou nan mistè yon sèl pèrsòn-nan » (Paul VI, const. ap. "Indulgentiarum doctrina" 795 5).
- 1475 Nan kominion sin-yo « nan pami fidèl-yo, soua sitou sa-k rivé nan patri sièl-la, soua sa yo admèt pou réparé nan purgatoa-a, soua sa-k an pèlerinaj toujou sou tè-a, asiréman gin yon né charité san rété épi yon échanj tout byin-yo k-ap débòdé » (ibid.). Nan mèvèy échanj sa-a, sin yon sèl moun sin-an profité lòt-yo pi plis pasé domaj péché yon sèl t-ap kapab lakòz. Konsa rékou nan kominion sin-yo pèmèt péchè-a ki gin kontrision-an purifié (pròpté) tèt-li pi vit épi ak pi bon rézilta sot anba chatiman péché-a.
- 1476 Byin spirituèl sa-yo nan kominion sin-yo nou rélé yo tou *trézò l'Égliz-la*, « ki pa tankou yon adision byin-yo nan fason richès matérièl-yo yo

617 anpilè sièk apré sièk, min sé valè infini épi inépuizab réparasion ak mérit Kris Granmèt-la gin bò kot Bondié, sa-l té ofri pou tout natu moun-nan té libéré sot nan péché-a épi rivé nan kominion avèk Papa-a ; sé nan li-minm Kris-la, Rédanmtè-a, satisfaksion ak mérit Rédanmsion-l nan yé épi gin valè (cf. He 7, 23-25 ; 9, 11-28) ».

1477 « An plis, nan trézò sa-a ginyin tou pri ki vrèman san mézi épi san parèy épi ki toujou rénouvlé dévan Bondié, sa priyè ak bon aksion sint Vièj Mari ak tout sin-yo ginyin-yo, yo minm ki té suiv tras Kris Granmèt-la palintèmediè lagras li-a, yo té sanktifié pròp tèt-yo épi yo té akonpli 969 travay yo té résévoua nan min Papa-a ; yon fason pou antan y-ap travay pou pròp salu yo-a, yo té kontribué pou sovè frè yo tou nan mistè yon sèl kò-a » (Paul VI, const. ap. "Indulgentiarum doctrina" 5).

Rivé jouinn induljans Bondié palintèmediè l'Égliz-la

1478 Sé palintèmediè l'Égliz-la yo rivé jouinn induljans-la poutèt pouvoua 981 maré ak lagé Jézu-Kri té ba li-a ki fè li intèvni an favè yon krétyin épi li ouvri trézò mérit Kris-la ak sin-yo pou-l rivé jouinn padon chatiman tanporèl péché li-a té mérité nan min Papa mizérikòd-yo. Konsa l'Égliz-la vlé non sèlman édé krétyin sa-a, min li vlé pousé-l fè aksion dévosion (piété), pénitans épi charité (cf. Paul VI, loc. cit. 8 ; Cc. Trente : DS 1835).

1479 Kòm fidèl défin-yo ki nan chémin purifikasion-an (pou yo vîn pròp-la) 1032 sé manb minm kominion sin-yo tou, nan pami lòt mouayin, nou kapab poté konkou ba yo antan nou vîn gin induljans pou yo, yon fason pou yo kapab lagé anba chatiman tanporèl yo doué poutèt péché yo té fè.

XI. Sélébrasion sakréman Pénitans-la

1480 Minm jan ak tout sakréman-yo, Pénitans-la sé yon aksion litijik. Sa-yo sé éléman òdinè sélébrasion-an : salutasion ak bédiksion prèt-la bay-la, léktu Paròl Bondié-a pou kléré konsians-la épi révéyé kontrision-an, ankourajman pou pénitans-la ; konfésion ki rékonèt péché-yo épi manifésté yo bay prèt-la ; pénitans yo bay-la épi akséptasion-an ; absolusion prèt-la bay-la ; louanj aksion-d-gras-la épi ranvoua avèk bédiksion prèt-la bay-la.

1481 Litiji bizantin-an rékonèt pliziè fòmul absolusion, ki gin fòm yon priyè 1449 k-ap éksprimé mèvèy mistè padon-an : « Bondié, li-minm ki palintèmediè profèt Natan té padoné David, lè-l té konfésé pròp péché-l yo, épi Piè lè-l té kriyé ak gou anmè-a, épi péchrès-la lè-l té vidé dlo jé-l sou pié-l yo, épi piblikin-an épi gaspiyé-a, sé pou minm Bondié-a padoné nou, palintèmediè-m, péchè, nan lavi sa-a ak nan lòt-la épi san-l pa kondané

nou₂, sé pou-l fè nou₂ parèt dévan tribinal li-a ki térib-la. Li minm ki mérité konpliman nan sièk sièk-yo. Amèn » (Euxologia to mèga [Athens 1992] p. 222)

1482 Yo kapab bay sakréman Pénitans-la tou anndan yon *sélébrasion kominotè*, koté pénitan-yo préparé-yo ansanm pou konfésion-an épi fè aksion-d-gras-la ansanm pou padon yo résévoua-a. La-a, konfésion péché-yo pèsonèlman épi absolusion individuèl-la vîn antré nan yon litiji paròl Bondié-a avèk léktu épi oméli, égzamin konsians yo fè ansanm, mandé padon an kominoté, priyè « Papa-nou »-an épi aksion-d-gras ansanm. Sélébrasion kominoté sa-a éksprimé pi aklè karaktè éklézial pénitans-la. Sakréman Pénitans-la, kèlkésoua modalité sélébrasion-l, sé toujou yon aksion litijik poutèt natu-l minm, sé poutèt sa li éklézial épi piblik (cf. SC 1140 26-27).

1483 Nan ka yon nésésité ki grav yo kapab fè yon *sélébrasion Rékonsiliasion-an ki kominoté avèk konfésion jénéral épi absolusion jénéral*. Yon nésésité grav konsa kapab prezanté lè gin yon danjé lanmò ki 1401 prèt pou rivé san pè-a oubyin pè-yo pa gin asé tan pou tandé konfésion chak pénitan. Kapab gin nésésité grav tou poutèt kantité pénitan-yo, san pa gin asé konfèsè pou tandé konfésion individuèl-yo nan yon tan ki rézonab, konsa pénitan-yo, san sé pa fòt yo, yo pa t-ap rété pandan lontan san yo pa jouinn lagras sakramantèl-la oubyin sint Kominion-an. Nan ka sa-a, pou absolusion-an kapab valid, fidèl-yo doué gin désizyon pou yo konfésé individuèlman tout péché grav yo fè lè tan-an va pèmèt (cf. CIC, can. 962, § 1). Sé Évèk diosézin-an ki pou jijé èské kondision ki nésésé pou absolusion jénéral-la égzisté (cf. CIC, can. 961, § 2). Yon gran rasanbléman fidèl alokasion yon gran fèt oubyin yon pélérijaj pa fè pati yon ka nésésité grav (cf. CIC, can. 961, § 1)

1484 « Konfésion individuèl épi intégral-la épi absolusion-an rété kòm sèl modalité òdinè pou fidèl-yo rékonsilié pròp tèt-yo ak Bondié épi ak l'Égliz-la, sof si yon inposibilité fizik oubyin moral t-a jistifié yon éksépsion (dispans) parapò a modalité konfésion sa-a » (OP 31). Pa manké rézon ki grav ki fè sé konsa sa yé. Kris-la aji nan chak sakréman. 878 Li adrésé-l pèsonèlman bay chak péchè : « Pitit mouin, péché-ou yo éfasé » (Mc 2, 5) ; sé li-minm ki médsin-an ki panché sou chak malad ki bézouin-l yo (cf. Mc 2, 17) pou-l géri yo ; sé li-minm ki rélvé yo épi ki fè yo tounin antré nan kominion fratènèl-la. Sé poutèt sa, konfésion pèsonèl-la sé fòm rékonsiliasion avèk Bondié épi avèk l'Égliz-la koté sign-nan éksprimé sa nan pi ro dégré-a.

RÉZIMÉ

1485 *Nan asouè jou Pak-la, Granmèt Jézu té manifésté pròp tèt-li bay Apot- yo épi li di yo : « Résévoua Éspri-Sin-an. Moun-yo n-ap rinmèt péché*

- pa yo, yo rinmèt pou yo, moun yo n-ap kinbé yo, yo kinbé » (Jn 20, 22-23).*
- 1486 *Padon pou péché yo fè apré Batèm-nan, yo bay li palintèmediè yon sakréman ki fèt pou sa, yo rélé-l sakréman Konvèsion, Konfèsion, Pénitans oubyin Rékonsiliasion.*
- 1487 *Moun ki fè péché-a li blésé onè Bondié-a ansanm ak rinmin-l nan, ni pròp dignité li ginyin kòm moun yo rélé pou-l pitit Bondié ni bon kondision spirituèl l'Égliz-la koté chak krétyin doué yon ròch vivan-an.*
- 1488 *Nan jé lafoua-a, pa gin okinn mal ki pi grav pasé péché-a, pa gin okinn ki gin konsékans ki pi grav pou péchè-yo yo-minm, pou l'Égliz-la épi pou tout tè-a.*
- 1489 *Rétounin nan kominion avèk Bondié-a, apré nou fîn pèdi kominion sa-a akòz péché-a, sé yon mouvman ki soti nan lagras Bondié-a ki plin mizèrikòd épi k-ap pran souin pou sovè moun-nan. Sé pou nou mandé kado sa-a ki gin valè-a pou pròp tèt-nou épi pou lòt-yo.*
- 1490 *Mouvman rétounin vîn jouinn Bondié-a, sa yo rélé konvèsion épi pénitans-la, li inpliké douè poutèt péché yo té fè-yo épi viré do bay péché sa-yo, ansanm ak yon désizyon fèm pou pa fè péché ankò alavni. Sé poutèt sa konvèsion-an gin rapò ak sa-k pasé déjà épi sa-k gin pou vini ; li nourri éspérans nan divîn mizèrikòd-la.*
- 1491 *Sakréman Pénitans-la gin ladan-l toua akt pénitan-an réalizé épi absolusion prèt-la. Akt pénitan-yo sé : pénitans-la (répanti), konfèsion-an oubyin maniféstasion péché-yo bay prèt-la épi désizyon pou fè réparation-an épi aksion-yo ki réparé-a.*
- 1492 *Pénitans-la, répanti-a (sa yo rélé kontrision-an tou) sa-k doué motivé-l yo doué soti nan lafoua-a. Si répanti-a rivé fèt poutèt rinmin charité-a aléga Bondié, yo di li « apouin » (li « rivé nan pèfeksion » = contrition parfaite) ; si li bazé sou lòt motif, yo di li « pa apouin » (li pa « rivé nan pèfeksion » = contrition imparfaite ou attrition).*
- 1493 *Moun ki vlé rivé jouinn rékonsiliasion-an avèk Bondié épi avèk l'Égliz-la, li doué konfésé tout péché grav li pa-t ankò konfésé épi li sonjé apré yon égzamin konsians ki sérié. Konfèsion fot vénièl-yo, minm si-l pa nésésè nan li-minm, l'Égliz-la rékòmandé-l anpil.*
- 1494 *Konfèsè-a propozé pénitan-an pou-l akonpli kèk akt « satisfaksion » (réparation) oubyin « pénitans » pou réparé domaj péché-a lakòz-la épi pou rémété sou pié dispozision ki pròp pou disip Kris-la.*
- 1495 *Sé prèt-yo sèlman ki té résévoua fakilté bay absolusion-an nan min otorité l'Égliz-la ki kapab padoné péché-yo nan non Kris-la.*

- 1496 *Rézilta (Éfè) spirituèl sakréman Pénitans-la sé :*
– rékonsiliasion avèk Bondié ki fè pénitan-an rétownin nan lagras-la ;
– rékonsiliasion avèk l'Égliz-la ;
– padon pou chatiman (pèn) pou tout tan-an koté yon moun tonbé poutèt péché mètèl-yo ;
– padon, omouins an pati, pou chatiman (pèn) tanporèl-yo ki konsékans péché-yo ;
– lapè ak trankilité konsians-la épitou konsolasion spirituèl ;
– ogmantasion fòs spirituèl-yo pou konba krétyin-an.
- 1497 *Konfésion individuèl épi intégral péché grav-yo ak absolusion-an ki suiv-la, rété sèl mouayin òdinè pou rékonsiliasion avèk Bondié-a épi avèk l'Égliz-la.*
- 1498 *Palintèmediè induljans-yo, fidèl-yo kapab rivé jouinn, pou yo-minm épitou pou nanm ki nan purgatoua-yo, padon pou chatiman (pèn) tanporèl-yo ki konsékans péché-yo.*

[◀Atik
anvan-an](#)

[Gid jénéral-la](#)

[Atik▶
apré-a](#)